

Ymateb Cyngor Gwynedd i gais gwybodaeth pellach gan Comisiynydd y Gymraeg ar Adroddiad Monitro Blynyddol Cynllun Iaith Cyngor Gwynedd

Gwybodaeth bellach ofynnol	Ymateb Cyngor Gwynedd
<p>Eglurwch, os gwelwch yn dda, pa drefniadau a wnaeth y Cyngor i ail-lenwi swydd y Swyddog Cydraddoldeb ac Iaith.</p> <p>Darparwch ddiweddariad ar yr adroddiad arfaethedig mewn perthynas â hyrwyddo'r Gymraeg yn y sector fusnes, os gwelwch yn dda.</p> <p>Darparwch ddiweddariad ar ddatblygiad y modiwl e-ddysgu ar Ymwybyddiaeth iaith, os gwelwch yn dda.</p> <p>Darparwch ddiweddariad ar benodi pencampwyr iaith yng nghartrefi preswyl y sir, os gwelwch yn dda.</p> <p>Adroddwch ar gydymffurfiaeth darparwyr gofal cartref yn ystod 2014-15, os gwelwch yn dda.</p>	<p>Fel rhan o drefniadau ail-strwythuro'r Cyngor, cafodd cyfrifoldebau Swyddog Cydraddoldeb ac Iaith y Cyngor eu rhannu rhwng y swyddogion canlynol:</p> <ul style="list-style-type: none"> • Swyddog Polisi Corfforaethol • Swyddog Hyrwyddo Iaith • Swyddog Datblygu Iaith (1/2 swydd) <p>Cyflwynwyd adroddiad yng nghyfarfod y Pwyllgor Iaith ar 29 Ionawr 2015, gan y Rheolwr Gwasanaethau Democraidd ac Iaith a chan Dwynwen Hywel, o swyddfa Comisiynydd y Gymraeg ar y gefnogaeth sydd ar gael i fusnesau.</p> <p>Ni chafodd y modiwl e-ddysgu ei ddatblygu yn fewnol gan bod disgwyl ar y pryd i Academi Cymru Gyfan ddatblygu modiwl ymwybyddiaeth iaith ar eu porth e-ddysgu, ac nid oedd dymuniad i ddatblygu gwaith. Yn anffodus, ni chafodd y teitl hwn ei gynnwys ar restr modiwlau'r Academi gan na chafodd ei ystyried yn flaenoriaeth gan yr aelod Gynghorau.</p> <p>Cafodd y syniad o benodi Pencampwyr Iaith mewn cartrefi preswyl ei grybwyll yn gyntaf mewn trafodaeth yn y Pwyllgor Iaith (Cofnod ar drafodaeth am bencampwyr o 2013-04-16 yn nodi'r angen i "edrych ar adrannau eraill o fewn y Cyngor yn eu tro"). Wedi edrych yn bellach ar staff y cartrefi, gwelwyd bod y Rheolwyr i gyd yn gallu'r Gymraeg yn rhugl, ac er bod ambell leoliad lle roedd mwy o broblemau gyda staff di-Gymraeg, teimlwyd bod y rôl o hyrwyddo'r Gymraeg eisoes yn rhan allweddol o swydd y Rheolwyr.</p> <p>Yn yr Adroddiad Blynyddol ar gyfer 2014-15 adroddwyd ar gydymffurfiaeth darparwyr gofal cartref dan y teitl Darparwyr Gofal Cymunedol (tudalen 10).</p>

Cwestiynau y mae'n rhaid eu hateb	Ymateb Cyngor Gwynedd
<p data-bbox="188 311 660 412">Pa adrannau neu unedau a gyflwynodd adroddiadau i'r Pwyllgor Iaith yn ystod 2014-15?</p> <p data-bbox="188 808 675 947">A ddatrysodd y Cyngor y cwynion am y wefan Gymraeg a'r arwydd Teledu CC Saesneg, cyfrwng iaith y gwersi nofio a'r ffurflen P45 Saesneg?</p>	<p data-bbox="754 311 1347 376">Cyflwynwyd adroddiadau gan y canlynol yng nghyfarfodydd y Pwyllgor Iaith yn ystod 2014-15:</p> <ul data-bbox="804 383 1410 734" style="list-style-type: none"> • 04/04/2014 Rheolwr Datblygol Canolfannau Hamdden Gwynedd yn cyflwyno ar sgiliau ieithyddol a defnydd o Bencampwyr Iaith yn rhai o ganolfannau Hamdden y sir. • 26/06/2014 Uwch Reolwr Tai yn cyflwyno am Bolisi Gosod Cyffredinol a Dyraniad Tai Cymdeithasol • 29/01/15 Adran Cefnogi Busnes Cyngor Gwynedd a Dwynwen Hywel am wasanaethau Comisiynydd i fusnesau. <p data-bbox="754 808 1410 947">Cafodd y cwynion hyn i gyd eu cofnodi fel rhai caeedig yn adroddiadau cwynion y Pwyllgor Iaith. Dyma ddiweddariad ar y materion dan sylw a nodwyd yn yr Adroddiad Blynyddol:</p> <p data-bbox="754 954 975 987">Gwefan y Cyngor:</p> <p data-bbox="754 992 1410 1093">Mater technegol o ran mynediad oedd hwn yn hytrach na chwyn am ddiffyg ieithyddol. Profwyd y system ar y pryd a ni chanfu'r tîm TG unrhyw broblemau.</p> <p data-bbox="754 1099 986 1133">Arwydd Teledu CC:</p> <p data-bbox="754 1137 1410 1272">O edrych yn fanylach ar gofnodion y gwyn, ymddengys mai sylw am Gymraeg ansafonol yn hytrach na chwyn am absenoldeb y Gymraeg oedd hwn. Cafodd y mater sylw gan yr adran berthnasol.</p> <p data-bbox="754 1279 922 1312">Gwersi nofio:</p> <p data-bbox="754 1317 1426 1592">Cafwyd cadarnhad gan Uwch Reolwr y Gwasanaeth Hamdden (08.09.2015) bod sgwrs wedi ei chynnal ar y pryd gyda hyfforddwr y Clwb Nofio dan sylw, a'r berthynas rhwng y gwasanaeth a'r Clwb wedi ei hegluro. Cadarnhawyd mai Clwb annibynnol yw'r Pengwins, bod is-hyfforddwyr y clwb yn gallu siarad Cymraeg, a bod y rhieni yn fodlon gyda chyfrwng iaith y gwersi.</p> <p data-bbox="754 1599 916 1632">Ffurflen P45:</p> <p data-bbox="754 1637 1426 1912">Mae'r gwyn wedi dwyn sylw'r Cyngor at anawsterau yn ein ymwneud a threfniadau Cyllid a Thollau ei Mawrhydi. Rydym yn gwyntyllu hyn ar hyn o bryd gyda golwg ar oresgyn y broblem hyn yn y dyfodol fel bod modd ceisio gweithredu trefn lle mae'r holl ffurflenni ar gael yn y Gymraeg. Rydym wedi ymddiheuro i'r Achwynydd.</p>

<p>Ydy'r Cyngor yn cymryd camau penodol er mwyn sicrhau gwelliant yng nghyd-destun cydymffurfio â chontractau gofal cymdeithasol?</p>	<p>Mae Grŵp Tasg Mwy na Geiriau yn bodoli yn fewnol i edrych ar y mater hwn ac i geisio sicrhau bod y Cyngor yn cymryd camau priodol i sicrhau gwelliant.</p>
<p>A drefnwyd hyfforddiant ymwybyddiaeth iaith ar gyfer aelodau etholedig?</p>	<p>Trefnwyd hyfforddiant Ymwybyddiaeth iaith ar gyfer aelodau di-Gymraeg y Cyngor a chynhaliwyd y sesiwn ar y 4ydd o Chwefror 2014.</p>